



Aqqalu C. Jerimiassen
Atassut

UPA 2026/100-1
29. april 2026

Meeqqat atuarfianni annerni aalisarneq piniarnerlu pillugit siunnersorneqartarnerat qanoq nukittorsarneqarsinnaanersoq iliuusissatut pilersaarummik Naalakkersuisut peqquneqarnissaannik Inatsisartut aalajangiiffigisassaattut siunnersuut, aalisarnermik ilinniartitaanermut sulisussarsiortarnerup annertusarneqarnissaa kiisalu Kalaallit Nunaata imarsiornerup iluani piginnaasaasa nukittorsarneqarnissaat siunertaralugu. Siunnersuut EM2026-imut tunniunneqassaaq.

(Inatsisartunut ilaasortaq Jens Napätôk', Naleraq)

Inuussutissarsiut sorlerluunniit Atassummiit inerisarneqarnissaanik siunnerfeqartoqartillugu tapersersuiuartarnerput qangaaniilli ilisarnaatigaarput, Atassummi nunatsinni partiitut talerperlerpiatut pilersinneqartuni siullersaasimavoq, taamaassimasoq allapparput, peqqutigalugu uagut maanna Atassummi inatsisartunut ilaasortaataasugut partii pilersinneqarmat suli inuunnginnatta.

Aalisarneq nunatta nammineq imminut aningaasarsiornikkut ingerlanermini qiterivaa, sulilu naatsorsuutigisinnaavarput ukiuni aggersuni taamaakkallaannassasoq, tassami uulia aatsitassallu isaatitsissutaalernissaat ilimanaataarukkiartormat, Ittoqqortoormiit eqqaaniittoq uuliasiorneq iluatsilluariataassanngippat akileraarutigullu malunnaatilissuarmik kivitseriasarluni.

Taannali pissanngippat, piniarneq aalisarnerlu inuiaqatigiittut tamatta qaatunnitsinniilli ilitsoqqussaralugit ingerlatassatulluunnit ilaanni isigisarpagut, tassanilu meeraanitsinniilli pinngortitap qanoq atorneqartarneranik oqaluunneqartarluta suullu ulorianarnersut.

Angajoqqaaniilli qitornanut ingerlatitseqqiinnartarneq piujuartillugu, ingasammik piniarneq eqqarsaatigalugu ukiut tulliuttut soqutigisat allanngoriartuinnarfiini iluatinnaateqartut tammariartuleratarsinnaanerata ernummatissaavoq. Taamaattumillu uani Jens Napätôk, Naleraq, siunnersuutaa arlalitsigut torrallataasoq Atassummiit isumaqarluta.

Taamaammat meeqqat atuarfianiit tamakkua immikkut aallartereerneqartarnissaat pisariaqarpoq, taamaalillutalu inuiaqatigiittu kinguaariinni puigorneqaannarsinnaagaluit sorpassuit, soorlu qanoq innikkut pilisarnerit assigisaalu piutiinnarsinnaavagut. Siunertaq pissanganaq, tapersersornaq.

Taamatut oqaaseqarluta, siunnersuut llinnartitaanermut ataatsimiitsitaliamut innersuupparput.